



PRIMEIRO  
MINISTRO

**ALOKUSAUN  
SUA EXSELÊNCIA PRIMEIRU-MINISTRU  
KAY RALA XANANA GUSMÃO IHA OKAZIAUN REUNIAUN HO  
PARSEIRUS DEZENVOLVIMENTU TIMOR-LESTE NIAN**

**20 de Junho de 2013  
Díli**

Excelências  
Señoras no Senõres

Atu enserra sorumutu ho ita nia parseirus de dezvoltimentu, ha'u sei la haluha agradese, dala ida tan, Ita Boot sira nia prezensa nos mos Ita Boot sira nia kontribuisaun nebé importante tebes atu, iha prosesu operasionalizasaun Planu Estratéjiku Dezvoltimenton, ita bele servisu hamutuk hodi halakon kiak, liu husi dalan foti kondisoens moris nian diak liu ba timoroan sira hotu.

Iha loron rua ho balun né nia laran, ita bele konklui katak ita sei enfrenta dezafius barak, hodi hatene katak dezafius sira nee mós, sei lori oportunidades nebé boot tebes ba Timor-Leste nia kresimentu no dezvoltimento.

Hanoin sira husi sasin oi-oin nebé koalia iha nee, fó sai mensagem importante ida ba ita nia nasaun, katak: - hotuhotu tetu problemas sira nebé Timor-este sei enfrenta nudar dezafius – dificuldades ba dezvoltimentu sempre husu no iha solusoen, bain-hira ita servisu hamutuk ho responsabilidade no empeñu ka dedikasaun maka'as.

Governu no Instituisoens Estado nian seluk, Sosiedade Sivil, Setor Privadu no ita nia Parseirus Dezvoltimentu hatúr hamutuk marku importante ida iha reuniaun ida nee. Hahú ohin, iha ona kompromisu comum nebé firme ka metin atu implementa Planu Estratéjiku Dezvoltimentu.

Ita hotu bele dehan, foin agora maka ita hetan duni koñesimentu nebé klean kona ba sirkunstânsias reais ita nia Rain nian.

Depois de hakat liu tiha difikuldades iha inísiu prosesu konstrusaun Estado nian, inklui crises baluns neebe ameasa duni ita nia projetu nasional, ita consegue hetan duni dalan ba dame no estabilidade, kondisaun fundamental ba dezvoltimentu.

Maski ita la consegue sente didiak ho resultados nebé ita bele sura, ita hatúr duni reformas estruturais, iha tinan kotuk sira né, nudar aliserse importante nebé fó fatin atu, ohin loron, ita bele koalia kona-ba instrumentus konkretus, nebé sei permite hetan resultados visíveis ba ita nia Povu.

Ha'u sinti ha'u bele fiar, ita hotu nota katak TLDPM ida nee diferente duni. Ita la koalia ona oinsá ita bele lori Timor-Leste ba dalan los, tamba konaba dalan ida nee, ita bele haré, ita iha ona vizaun comum ida.

Iha ne'e, ita buka ona hanoin hamutuk oin-sá ita sei hala'o – ho diak no ho tempu nebé lós!

Timor-Leste assume tiha ona ninia responsabilidade atu halo diagnóstiku ba Nasaun ninia problemas, ninia nesidades no ninia potensial, no exersísio ida nee Planu Estratéjiku Dezvoltimento fo fai retratu ida nebé diak.

Ita fo tan hakat ida, bain-hira kria mekanismu ida nebé sei permite operacionaliza implementasaun ba PED ho eficiencia. Mekanismu Koordinasaun ba Polítikas Dezenvolvimento buka atu fasilita koordinasaun entre ministérius, fo dalan ba artikulasau diak liu ho parseirus dezenvolvimento no hadia liu tan sistemas monitorizasaun no avaliasaun impaktu nian ba polítikas konaba dezenvolvimento.

Ho lian badak, ita iha agora instrumentu neebe sei permite hakakt hosi vizaun kolektiva ida ba ona ninia implementasaun.

Katak, konkretiza vizaun né hodi halo mudansa ba timoroan ida-idak nia moris, liu husi programa operacional no fazeadu ida, tanba ita komprende katak, hosi loron ida ba loron aban, mak ita sei bele harii Nasaun, nudar entidade ida deit no ekuitativa.

Maibé, ba ida nee, ita hotu presiza harí konfiansa ka fiar iha ita nia let!

Projeto ida nee ezije partisipasaun husi aktoras hotuhptu iha ita nia sosiedade, tan nee, hau hakarak rekonhese papel ativo no atentu, nebé organizasoens Sociedade Sivil nian desempenha daudauk ona, hodi imprime ka buka hakliak kultura de responsabilidade, atu bele hasa'e nível rigor iha ita nia tomada de desizoens.

Preokupasoens hotu nebé hasa'e iha né, iha duni ona plano de asaun, hosi nesesidade fundamental atu haboot feto nia papel iha sosiedade nia laran, to'o obrigasaun atu tau metan ba sira nebé vulneráveis liu. Hosi promosaun ba kultura transparênsia no responsabilidade ba jestaun pública to'o obrigasaun iha setores saúde no edukasaun. Hosi kombate desekilibrius rejionais to'o esforso ba modernizasaun iha sector agríkkultura. Hosi importânsia ba dezenvolvimentu inkluzivu to'o preserva no hala'o justisa tradisional.

Ita sei koloka expectativas lejítimas sira né hotu, ho hanoin no planu nebé transversal, katak liga malu. Tamba iha prosesu planeamentu no implementasaun, maka ita sei haré no sukat no tetu prioridades nebé mosu.

Tan nee, atu hahú prosesu boot né, ita, timoroan tenki recupera espíritu determinasaun nebé ulkuk ita hatudu ona, ho fiar katak projectu ida hotuhotu nian no ba ema hotuhotu! Tan nee duni, ha'u husu, ho haraik-an, ba hotuhotu, atu labele monu ba superficialidade análise no tendensia atu hanoin ba tempu badak nian, bain-hira ita avalia área idaidak, tamba tenki inklui iha sektores estratéjikus tomak nia mahon.

Hodi hatene katak servisu ida né servisu todan ida nebé labele buka dalan kiik barak, haú fiar katak, maski dalan sei naruk – hanesan uluk iha funu laran -, dalan mak ida né duni atu ita tuir.

Ita tenki hanoin katak, la ós Timor-Leste mak la'o mesa-mesak tuir nia dalan, iha tinan hirak né; mundu mos enfrenta mudansas lubuk ida, hodi hasa'e preokupasoens foun ba vizaun kona ba desenvolvimento, kuadru ida nebé ita mós tenki buka adapta.

Ita labele haluha, ita nia parseirus importantes balun mos enfrenta, oras nee dadaun, dificuldades iha âmbito resesaun mundial. Ha'u husu atu faktor ida ne'e bele fo mai ita responsabilidade boot liu hodi bele hala'o no hetan ita nia objetivus.

Excelências  
Señoras no señores sira  
Belun sira,

Ita haksolok tamba, iha reuniaun ida né, ita bele apresenta 'Kompaktu ba Implementasaun Planu Estratéjiku Dezenvolvimentu'. Kompaktu ida ne'e iha komponentes importantes haat. Primeiru, ita sei avalia progresus, iha fulan tolutolu ka trimestre idaidak, hosi liga Planu Estratéjiku ba New Deal no ba MDGs. Segundu, ita nia empenhamentu atu fortalece koordinasaun husi sectores estratéjikus haat, maka, ekonomiku, social, infra-estruturas no governasaun ho desenvolvimentu institucional. Terseiru, iha 2014, sei estabelece mekanismu konjuntu atu halo revizaun. Kartu no kompromisu ikus liu, atu hala'o revizaun intermédio ida iha 2015, atu garante responsabilizasaun ba prosesu ne'e hodi mós reporta konaba progressus nebé hetan.

Ho hetan no hasai hamutuk hanoin kolektivu ida kona-ba matrizes nebé sei hametin operacionalizasaun Planu Estratéjiku, ita hahú momento kritiku ida tan ba Timor- Leste, katak, ita tama iha faze foun ida, nebé husi ba ita atu servisu maka'as no diak liu, hodi hetan resultados nebé efetivus duni.

Belun, parseirus sira

Dala ida tan, atu remata, ami hatene katak ami la l'o mesak. No mos, ami tau-an katak ami labele halo buat hotu nebé ami hakarak, bainhira ami laiha tulun nafatin husi ami nia parseiru sira, husi Ita Boot sira.

Ita nia relasaun mai husi kleur, nebé reforsa-an iha hakat idaidak iha ami nia prosesu konstrusaun nasional. Ami sei hana'i kompromisu neebe ita asume hamutuk iha ne'e, atu garante futuru diak liu ba povu doben Timor Lorosae.

20 de Junho de 2013  
Kay Rala Xanana Gusmão